

小畜集

五



王黃州小畜集卷第二十一

為宰臣上尊號表

內外文武臣寮具官趙其等言今月二十一日共千天
聽別上尊名奉宸翰以未俞慮精誠而不至戴天甄日
猶懸億兆之心伏閤叩闈寧避再三之黷謝臣等聞運
行四時者惟天之日照臨萬國者惟日之明天下宰其
玄功而有蒼旻文號日不曜於揚德而有畏愛之明是
以居廣大而罔辭處貞明而弗讓蓋功德著乎上而名
號隨于下矣前王後聖茂實英猷取譬于茲其則不遠

伏惟皇帝陛下繼天而王如日之昇靜則垂堯舜之衣
裳動則使武湯之旄鉞明堂制禮走玉帛於萬方宣室
崇儒煥文章於三代候氣而八風從律陳詩而萬物由
庚既理定以功成尚宵衣而旰食早以兆民愛戴郡后
推崇率由白章共上徽號陛下讓不得已俯而從之蚩
百姓同歡方諧歸美而一人善下終恐近名昨者法天
道以流謙敷王言而如綍謂大道不器何假先天之言
謂聖人無名便惟睿之說盡除尊號頗駭群情臣等已
奉詔靡遑再章請復陛下過防滿假終未允俞守謙卦

之六又動而无悔太湯書之七號卑不可踰遂使中外
色羞軍民沮色既難移於成命乃別獻於嘉猷共傾天
誘之裏用紀日新之德著龜叶吉蛮貊同文咸願听卑
以期得請陞特迂鳳蒸避猶鴻名固愈於謙光奈重違
于人欲而况皇王顯號今古彛章上則尊列圣之遺謀
光輝七廟下則称庶邦之係望成服八荒凡在含生共
觀休烈豈可執勞謙之小節廢立極之大名居軒昊之
至尊慕巢由之獨行此臣等之所未諭也陛下之所不
取也臣等不勝大願敢固請上尊號曰法天崇道文武

皇帝庶得相順謙冲之日惟新徽懿之名兔茲聖朝有
此闕典跼天踏地固敢自安碎首靡軀期于必逮臣等
死任區區懇迫之至

為宰臣謝御書錢樣表

臣等伏蒙聖旨賜御書三体字樣錢一貫文者以五銖
新樣貨泉將布于人間三体成文筆札互彰于天縱出
爐野而首蒙頒賜冕旒而共積兢榮伏惟尊號皇帝陛
下以道極至玄學探衆妙宸居多暇書九府之錢刀御
笔撓華奪三辰之父彩尽真艸歐行之法在方圓肉好

之中通流將遍於溥天固殊當百錫賚先霑於近位其
數旦千臣等傳玩為榮收藏至寶荷天光而悚惕對聖
作以兢慚臣無任

謝賜御製逍遙詠秘藏詮表

臣等言伏蒙聖慈賜臣等御製秘藏詮逍遙詠共四十
一卷者伏以竺乾天之教所以祛色相而如真老氏之
書所以去滋章而務清淨大不過四句偶多不出五千
言始則殊途而同歸終則枝分而派別泊乎濱三乘於
貝葉文字漸多編三洞於瑤函筌蹄逾遠縱人十而已

百奈暮四以朝三自非上聖之才孰立不刊之典發揮
教法允屬文明伏惟聖號皇帝陛下思妙心遊赤永因
民設教与天比崇和凡其神建皇王之有極恭默思道
念釋老之多歧于是詮註微言諫訶至道撮其樞要闢
戶牖于法門擗其菁英芟蕭稂於玄圃示方机之多暇
表三教之精通定可以指迷悞於群生扇穆清於四海
豈比夫劉莊蕭衍但多佞佛之心漢武秦皇空作求仙
之術自合鑄諸玉簡藏在多山將日月以同懸与鬼神
而爭奧傳于不朽垂之无穹臣等謬列詞臣躬承聖教

被教天之雲霧已竟濡身听舜殿之絃歌共知忘味謹
當披持讀誦忭舞歡乎少遵善誘之心庶助兄為之化
臣無作

為宰臣謝賜御製訶詩表

臣等伏蒙慈宣賜喜雨訶詩共三首者天時早嘆聖慮
焦勞玄穹忽降於霧霓睿藻遂形于訶詩首蒙宣示共
極歡榮伏惟尊號皇帝陛下軫念三農精心六義自春
徂夏稍致愆陽以日繫時不忘善禱詔近臣而遍走群
望御便殿而親錄縲囚聖感玄通天心昭答潛驅屏翳

舒張東岱之云暗使豐隆樞繫南山之鼓連宵泛洒率
土昭蘇早稼勃興豐年可望緣聖情而有作奮御筆以
成篇帝庸作訶高視康哉之詠上以風化遠追皇矣之
詩燦然三章誕敷四海深形教誨特有宣傳台衡宸宸
之銘彼可膚淺白雪陽春之句空銜清新臣等救旱功
微賡訶調下鏤于肌骨敢忘作誠之詞播在管絃願導
移風之德臣無任

為宰臣謝新雕三史表

臣某等言伏蒙聖慈賜臣宰新印本三史書各一部者

伏以先帝好文校仇三史諸儒議絲歷兩朝模印方行
頌宣首及謝伏惟尊號皇帝陛下心存稽古志在奉先
念五帝三王之書具存道德思列國刃漢之事可鑿見
典止觀真本之初成先近臣而受賜欲俾詳觀理亂起
發昏蒙臣等素匪知書仰承善誘敢不服勤田史少副
聖懷庶竊慕于格言或有裨於大政臣等无任感天荷
聖激切屏營之至

謝賜御草書詩表

臣某言今月五日伏蒙聖慈賜臣紅綾上御草書起敬

南亭絕句詩一首絳綃半幅霞舒舞鵠文之宸翰玉行
雲遶迴鸞之勢天恩曲被凡目崇覲佩服戰競神魂飛
越謝中伏惟尊號皇帝陛下書穹八法學洞九流英斷睿
謨運元功而多暇飛旂翰縱艸聖以為娛閑裁浙水之
綾麥馮渭南之句宮中刀尺剪雲霧於赤城笔下風雷
走龍蛇於碧落遍令中使宣賜近臣豈期鎖材亦預宸
眷捧持失次傳玩增輝忻千載之遭逢極一時之榮遇
讀盡二十八家列宿韜光宣來三十六宮天香尚在豈
止藏于篋笥亦將傳付子孫堪笑二王非墨妙筆精之

作如逢伯寓得金簡玉字之書感恩空枚于涕洟受賜
更銘于肌骨臣無任戴天荷聖激切屏營之至

謝御製重午詩表

臣某等言伏蒙聖慈宣賜御製七言四韵重午詩一首
者天有四時成聖功也八節所以宣其氣詩有六義繫
王化也二南所以變其風至若運陰陽亭毒之叨達雅
頌盛衰之理不失其正斯惟聖人謝伏惟尊號皇帝陛
下運應一千啟昇平之嘉會節當重午樂長養之玄功
形于詠歌播作詩付特令中使宣示詞臣降鳳閣以光

小畜集卷二十一
輝播魚須而抃舞仰窺首句如當帝舜之熏風戴味卒
章仍念屈原之貞魄教化以被忠邪以分又何止述浴
蘭懸艾之文逞白雪陽春之麗而已哉臣等職掌叨詰
才謝言詩獻尚書而諫諷無聞徒經嘉節學禹騷而淵
深罕究但拜宸章願揚治世之音永作傳家之寶无任
戴天荷聖歡呼抃蹈之至

陳情表

臣某言臣聞政過自人臣之晚節弃瑕責效之者人之
舊章謝伏念臣近自冗負再叨諫署秋蘭解佩重呼澤

畔之魂紅葯裁詩不望禁中之樹固當老於小諫日赴
常叅其如親寄解梁身趣魏闕四海无立錫之地一家
有懸磬之憂以至僕馬龍鍾雜于工祝弟兄分散迫于
飢寒若非內受賤名賜之寔俸外求差使以救食貧則
曷以養高堂垂備白之親上國燃金之費望雲就日非
無恋闕之心玉粒桂薪未有住京之計伏望尊號皇帝
陛下念臣過而能改進不因人或西垣再舍于濱綸或
東魯且令于承乏唯中外之二任繫君親之一言干冒
宸嚴臣无任僭越兢憂悃悞待罪之至

謝免和御製元日除夜詩表

臣等言伏蒙聖慈特降御製元日除夜詩四首仍令和
來臣等尋時連狀乞元和今月七日伏奉恩旨特賜
俞允者聖文絕唱尺道听卑虫違善誘之心本獲知難
之請伏惟尊號皇帝陛下五行為質六義游心樂天地
之玄功旧皇王之睿蒸笔无停綴夜乃未央煥乎四章
降於三館耀日月星辰之彩發金石絲竹之音思入杳
冥乾坤无以逃其数辞色造化鬼神不能隐乎情其元
日之句也藻繪王眷悅万物之資右其除夜之句也發

藻揮天吏迷四序之成功固宜隨歷數而頌于華夷与
法今而懸于象魏俾夫薰絃播奏散為化下之風蒼玉
雕鏤秘作升中之典至若周滿黃竹之詠漢高大風之
歌唐太宗守歲之詩陳叔達初年之作義皆无取事不
足徵又若除夜藏鈎正朝放雀真為兒戲豈近皇猶遍
數前王寔多慚德臣等文館待罪朝行具員幸觀四始
之根源徒荷千年之除遇然而对燭龍之銜耀難炫螢
光當鳳彩之來儀須藏雉尾共思閤笔同樹降旗方傾
宸感之誠果降矜宥之命豐隆門下免為聚響文蚊莊

叟山中甘作不鳴之鴈臣等无任感天荷聖激切屏營
之至

賀正表

臣某言伏以元正祚景福惟新數冀英於瑤階初生
一葉獻椒花於漢殿齊列千官式彰負宸之尊大祝如
山之壽伏惟尊號皇帝陛下業隆三代道冠百王和玉
燭以授時立功克著振金鈴而徇路春令夏行當三元
資始之期見萬國會同之盛方物充庭而膺至上公獻
壽以鳧趣日照冕旒覩垂衣之肅穆風和象魏陳懸法

之威儀詎遺率土之濱同樂履端之候膺乾納祐与天
齊休臣濫奉朝恩叨權郡印思預華封之祝方遠庭新
頌羲氏之書空驚素髮但荷發生之德莫酬煦育之私
臣无任祝聖戴天抃蹈觀呼之至

謝曆日表

臣某言今月四日進奏院遞到宣頭一道伏蒙聖慈賜
臣至道二年新曆日一道者天春秋肇啟日官爰奉旧
章帝俞遐宣守玉頌於新曆臣某謝臣聞以天道无私
所以運行寒暑聖人有所以恭授民時作韋令率土之

濱共樂同文之化伏惟尊號皇帝陛下五行為質萬國
咸寧星辰即序於堯天風雨弗迷於舜麓御明堂之一
十二位克正陽之運濬玃而三百六旬无差晷刻煥乎
正朔被于華夷臣謬典魚符欣開鳳曆以時以日敢匪
懈之心卜世卜年更仰无疆之祚伏限郡政不獲奔詣
闕庭无任感天荷聖激切屏營之至

進端拱箴表

臣某言臣聞宣尼立教陳五諫以訓民天子設官命七
人而庭諍欲嘉言之罔伏致盛德之日新謝伏惟尊號

皇帝陛下志在任賢動必師古大開言路精擇諫臣改
拾遺補闕之名設司諫正言之位必須端士方稱美官
臣且何人亦當此任三月中伏奉明詔用訓庶僚於中
兩省之班行有異百官之督素必容謇諤無取因復是
時臣方議迎親以階告陛下矜其貧乏錫以緡錫恩麻
曲被于一家用度有充于千里臣曾為縣吏每督民租
為尺布斗粟之逋行減耳鞭刑之法因如府庫皆出生
靈空有淚以感恩慙无功而受賜泊丹再趨象魏時見
冕旒弄沉書殿之資久蠹太官之膳曾无績効空玷清

華且官在諫垣未嘗有一言裨補賊當史筆未嘗有一
字列修語所謂飽食終日无所用心者臣之謂矣思欲
奔諫諍之賊言朝廷之事則陛下聖德昭被神功著明
四輔无私而秉大鈞百姓不知而歸至化君何是哉臣
何言哉然後安不忘危理不忘亂靡不有初鮮克有終
古聖賢之深旨也故夏后有盤盂之銘周王有几杖之
誠敢徵斯義用道愚衷臣又嘗讀唐史見貞觀中張蘊
古上大寶箴辭理切直太宗深加稱賞為臣雖不才願
繼美其謹昧死譔端拱箴一首固不足裨益明全万分

之一亦臣之幸也隨表詣東上閣門跪進以間干冒宸嚴臣无任僭越待罪之至

謝賜御製月詩表

臣某等言今月十六日伏蒙圣慈宣示中秋月五七言詩各一首仍令依韵和未者月盈三五明天道之无差運偶一千見聖人之有作虽听賡歌之念終降寡和之詞傳玩為榮捧持失次伏惟尊號皇帝陛下精心六義思若湧泉銳意万机居多暇日当中秋之屆候玩素月之流空罷觀乙夜之書乃吟清夜裁觀如圭之狀思繼

白圭燦乎二章大載四始頌于近位得逐榮觀坐酣海
睿旨效星辰之北拱起揭丹心誦烏鵲之南飛終慚雅
詠頹瑕疵之難掩諒尤悔以何逃臣等無任謦時樂聖
榮懼激切之至

謝賜御書字樣錢表

臣某等今月二十三日于李士院分賜得御書三般字
樣淳化元寶錢者洪爐新樣通行將變萬方御笔擣華
於神妙互分於八体頒宣非次傳習知榮謝中伏惟尊號
聖帝陛下苗意貨泉心筆札書紀年之大號用煥于錢

神逞上聖之多才爰彰墨妙盡返鵲迴鳶之法掩天龍
地馬之名莊山之金重齊重寶開元乾元之字莫从神
蹤將大濟於兆民仍分霑於兩制臣等名慚夷甫才謝
魯褒寔趙囊而空荷君恩探禹穴而難穹聖作周太公
之園泐自合包羞歐率更之笔精從掃地永言感遇空
極兢榮臣等死任

單州謝上表

臣某言今月九言曹州進奏院遞到劾一道伏蒙聖慈
就差知單州軍州事兼賜錢五百貫祇荷于寵榮不任

人言集卷二十一
感懼臣已於今月十七日到東州上訖乍別天庭初臨
郡印賜賚頗厚恩榮寔多謝伏念臣本乏才名素无門
地徒偶文明之運濫登俊造之科升朝便忝於諫垣效
職仍叨於綸閣常罹罪譴永合弃捐仰穹昊而方類戴
盆遇慶赦而遽收墜履官復兩省之列職居二館之先
俸厚於他司班清於庶品固合優遊仙館耽玩群書常
依日月之光時貢萬葉之說詎唯卒歲亦可終身昨以
臣父將作監丞致仕某足疾嬰纏年光遲暮向因謫宦
深入穹山常恐此生不歸故里自叨赴闕頗更思鄉盖

為衰羸動多悲感有孫兒不識面目有子孫未接笑言
分俸則桂玉不充聚族則京師難住近聞館殿亦有遺
差頻發家書令求外任遂瀝事親之懇以于 治之朝
伏蒙尊號皇帝陛下義在從人恩推眷老假之符竹惠
以緡錢居二千石之權已為望外受三十萬之數賜寔
自宸裏感深而淚溫詔書恣極而魂飛帝闕即時赴郡
不日迎親本州以臣叨奉新恩言承旧例亦將歌樂遠
出郊垵臣先以文書並令止絕蓋以壟麥未秀村民尚
飢當帝王旰食之時非長吏自娛之日庶凡率下不是

小齋集卷二十一
近君况臣早忝掖垣每親疏宸帑孰憂勤之旨飽聞淳
俠之事足以宣揚聖猶訓導屬吏此外門詳評案牘精
究簿書虽管庫以必親庶狴牢而无枉幸避官諉用報
圣知且念親民之官自古所重凡今共理亦曰難才張
齊賢罷自白司止知亦兆辛仲甫出沒叅政方莅宛丘
虽小大之不同在郡國而无異唯臣此任最是殊恩十
一年前始為成武主簿九重天下曾是制詔舍人望旧
官而雖隔雲泥過故邑而亦為榮遇所恨者忽離侍從
莫遂朝辭寔非臣心輕去輦轂但以臣父苦念丘樊慰

懷王之心晨昏有遂望拱辰之列涕泗無從伏惟陛下
少減蕉勞俯加顧眷至于堯水湯旱歷數之常文丹浦
青丘征伐之彛事佇見斬繼迂於獨柳送蜀寇於檻東
示天下不用干戈驅域中咸歸富壽然後鳴鑿日觀降
禪云亭追蹤於七十二君探策而萬八千歲此際臣之
本郡寔有行宮倘得導引皇輿掃除御路撰禮天之書
冊維匪戢司對盛德之形容敢忌歌頌臣無任

進乾明節祝聖詩表

臣某言聞天道化成分八節而運行元氣聖人降度膺

千年而開闡洪圖誕既偶於嘉辰祝壽乃名於聖節照
臨之下儔願攸同臣某謝竊以漢感赤龍晦雲雷於大
澤周因玄鷲帶弓矢於高禩符瑞之來今古相望伏惟
尊號皇帝陛下二儀叶德九廟儲祥于時而里社方鳴
是夕而常星不見孟冬建亥爰日在房紫電繞樞式表
自天之含青雲如蓋爰標出震之期當睿聖之繼天以
乾明而含節于官上壽萬國來庭傑侏兜離鑑越樂懸
之下鬼候梅伯歡呼文陛之前駿奔競効於祝堯宴樂
且殊於在鎬臣職叨三館位列丹墀听九奏之蕭韶欣

因鳥獸獻千鍾於堯舜幸接夔龍舞蹈之餘詠語斯發
謹上乾明節祝聖壽古詩三篇合七章、先定句篇有
小序稍殊俗態似近古風虽播在樂章慙非風雅或語
於春酒可代俳優冒躋冕旒臣無任

謝衣襖表

臣某言今月十七日供奉官閣門祗候景元到州伏奉
聖恩賜臣勅書一道紫歌正綿族襪一領者臣當時与
官吏軍員將枝等望闕謝恩訖遠降主人遍頒時服捧
如綸而增惧對挾縵以知榮謝伏念臣素之藝文猥塵

清近虽罷金盞之賤尚分銅虎之符而自移理藩宣始
踰甸浹莫著袴襦之詠空慚周療之民此者伏道尊號
皇帝陛下政宵衣恩加露冕特有初寒之暘俾無卒歲
之虞開緘併集於榮光宣詔更增於和氣飾之瑞獸空
傾率舞之心徵乃維鵜難免彼已之刺伏限權司郡事
不獲躬拜闕庭臣無任

滁州謝上表

臣某言奉五月九日制舍伏蒙聖慈特授臣守尚書工
部郎中知滁州軍州事已以六月三日到本州上乞罷

直禁中臨民淮上雖離迫侍猶忝正郎省已戴恩既榮
且惧臣某謝伏念臣早將賤跡誤受聖知進身不自於
他人立節惟導于直道優游兩制出處八年今春召自
西垣入叨內署既在深藏之地仍當繁劇之權積兢虞
終無補報所宜遠貶以肅具寮伏蒙尊號皇帝陛下曲
念遭逢俯存終始正罷王堂之戕仍迂粉署之資委以
專城置于近地沿流數日登陸三程諸縣豐登若無公
事家一飽暖共荷君恩處之一生寔為萬足然而翰林
學士朝廷近臣陛下登位已來御前放人之後從呂蒙

正而下拜此賊者止有八人臣最孤寒亦預其教言於
聖選不為不精教月之間忽然罷去衆情尚或驚駭微
臣豈不憂惶且臣在同庭一百日間五十夜次當宿直
白日又在銀臺通進司審官院封駁司勾當公事與宋
湜呂祐之閱視天下奏章審省國家詔命凡于利害知
无不為三日一到私家歸來已是薄暮先臣靈筵在寢
骨肉衰經滿身縱有交明無暇接見不知謗議自何而
與臣拜命已來通宵自省恐是臣所僭官屋在高懷德
宅中一昨開寶皇后權厝之時便欲移出未有去處甚

不遑寧尋曾指約公人不令呵喝切恐貴僧出入中使
往還相逢之間難為顧按揖制自左右正言已上而謂
之供奉官街衢之間除宰相外無所迴避此蓋賈誼所
謂人君如堂人臣如陛、高則堂高者也況臣頭有重
戴身被朝章所守者國之禮容即不是臣之氣勢因茲
謝表敗達危誠况臣粗有搵修素非輕易心常知於上
足性每疾於回邪位非其人誘之以利而不往事匪合
道逼之以死而不隨唯有上天鑒臣此志伏望陛下思
直木先伐之義考衆惡必察之言典与保全俾伸誠節

則孤寒幸墨儒甚知歸在於小臣有何不足今則隋岍
千里堯天九重微軀或遂於生還勁節尚期於死所臣
無任

謝加朝散大夫表

臣某言今月十八日進奏院遞到勅除一道伏蒙聖慈
加臣朝散大夫者禮成大祀澤霑百僚豈期郎吏之卑
亦從大夫之役臣某謝伏念臣猥因薄板獲偶昌辰自
忝文科累叨華貫數年綸閣徒勤潤色之功百日玉堂
詎有論思之効而自身離近侍官帶貴詞既別白以無

門但憂危而度日此者伏遇尊號皇帝陛下圓丘展禮
率土推恩特加五品之資俾壯一麾之任況臣早叨書
命備見旧章每當行慶之時必考授官之限未滿二載
列增五階率以為常行之自久臣去年五月出賤今年
二月加恩承奉卽陞級未崇朝散陪迂陞不次必是上
由睿聖旁出諧僉以其曾作近臣不欲便全常例永言
感遇空極涕洟遂使死灰之心稍生於寒燄戴盆之首
亦見於天光誓損微軀以荅鴻造无任

謝賜聖惠方表

小畜集卷二十一
臣某年言今月二十五日進奏院遞到太平望惠方并
目錄共一百一冊臣等當侍望闕謝恩仍依勅命施行
訖臣等謹按洪範嚮用五福其三曰康寧威用六極其
日疾然則疾病之作蓋又之威沮邪康寧之集蓋天之
勸嚮邪此特立教而言姑欲驅人為善苟或飲食嗜慾
之不節陰陽寒暑之不時為札瘥為沉痾為疢贅為疖
瘍若此之類縱而弗攻委之干極非聖哲之所用心也
故醫術由是而生為自黃帝岐伯以還作者衆矣以至
鼓乎无條貫浩乎无津涵恩欲囊括古今派分類例叅

驅百疾稽合群方惠于兆民敷乃萬國非偶大聖孰能
與之臣某中謝伏惟尊號皇帝陛下惟睿作聖有孚惠心
包天地之大德群生罔不遂盡皇王之能事墜典罔不
修謂人之未庶也制婚姻以育之謂人之未富也薄賦
歛以足之謂人之未教也施道德以化之又欲使五福
之康寧偏流比屋六極之疾病不加蒸民于是召良医
考異術集自朱邸逮于紫宸凡三十生成一百軸洞乎
天人之際探諸鬼神之奧製述引以述其事為摸印以
行于時大頒四方復出万有昔玄宗之廣濟德宗之廢

利皆叢剋眇未不足称道尚具載史籍垂于後冕以為
莫已若也况陛下之術作功叅化源天下之惇贄身躋
壽域虽復造書画卦鑽燧揣時不可同年而語矣宜乎
与日月同賒与經籍共永豈區區小郡碌碌下臣能語
頌与聖德歎當州地居僻左路遠京師授勅數年引頸
以日累使郡吏請于有司始蒙頒宣盖行次第而又今
冬以來天氣稍旱過始冰之候河無薄漸喻小雪之期
野無微霰頗慮瘴癘害于民人俗宰名匠病則祀鬼分
憂之任求瘼是專方虞後難獲此大齋謹當抽俸金以

市藥給官本以救人資聖祚于無彊流聖惠于不朽盡
納淮甸歸于華胥悽之誠如此而已臣等無任云云
遭時樂聖抃蹈之至

王黃州小畜集卷第二十一

王黃州小畜集卷第二十二

賀南郊大赦表

臣某言今月二十日降到赦書一道南郊禮畢大赦天下者臣當時集軍州官吏百姓僧道宣讀施行訖嚴父配天王者之達孝青災肆赦有國之大猷凡在群生罔不同慶臣聞有虞尚乎德祖顓頊而宗堯周人重其先禘帝嚳而郊稷沿革之文則異祠祀之義斯同率由舊章茲曰大事雖天子必有尊也非聖人孰能行之伏惟尊號皇帝陛下司牧黎元敦崇孝治言有父也宣祖昭

武皇帝積德而累功言有兄也太祖神祖皇帝開基而
自下武繼志守文則難化成而日用不知寅畏而夕惕
若厲故得昆虫咸遂戎狄允懷文物聲明損益乎三代
道德仁義寢染乎萬民有是聖功於天地有是聖德讓
德於祖宗乃脩嚴禋肆伸大報禮樂具卒豈三年之不
為玉帛載馳見四海之助祭列聖至止上帝格思錫鴻
休於無疆明大孝之不匱禮成而退天且不違自非吉
融之誠達于上下孝悌之至通于神明孰能若斯其盛
歟由是因純嘏之休覃雷雨之澤謂萬方有罪于是乎

釋縲紲之人謂百姓不足于是乎免逋逃之賊照燭幽
壤滌蕩瑕玼順天推恩與物更始詩不云乎不人有慶
經不去乎萬國惟心自可追王王而比崇非止黜五伯
而不用者矣臣出官內署承乏專城既不得陪冠劔之
班行俎豆之事舞拊於黃道登降於紫壇又不得湧非
烟之詞懦甘露之笔濞給於王冊蒞揮於皇謀亦臣之
不幸也然而當求治之朝居分憂之任得不導揚允澤
訓戒齊民療其瘡痍浸入骨髓亦臣之大幸也伏限郡
事不獲奔諸闕庭臣無任

賀冊皇太子表

臣某言今月二十八日降到赦書一道皇太子正位儲
宮大赦天下者臣當時集軍州官吏僧道百姓宣讀行
訖禮崇儲副澤被華夷凡在含生罔不同慶臣聞帝王
之道步驟殊途夏后所以傳家垂諸古典姬昌之為世
子載于禮經皆所以定人心而固國本矣由三代而下
寔百王不刊洎乎唐室更分梁朝艸創莊宗則席未遑
暖明宗則日不服給綿聯五姓戰伐百年重念春坊遂
成闕典我太祖神德皇帝揖讓神器司牧黎元擇上聖

之才副下民之望人神允屆獄訟攸歸伏惟尊號皇帝
陛下傳自日無升為天子德化威伏垂二十年文物声
明尽合經義礼樂征伐不自諸候始求主鬯之親用正
副君之位斯孟軻所謂天与賢則天与子則与子者也
伏以皇太子生知忠孝性稟温文允符當璧之祥宜王
撫軍之重筮龜叶吉簡冊增輝而又春游雷之声因而
作解導少海之潤用以滌瑕必由旧章降此大賁綸綍
四出控宇一空率土普天不勝慶幸臣出官禁署承乏
方州日不覩朝廷之儀手不當文翰之戒雖違素望實

偶昌

伏限郡政不獲奔諸天闕臣無任

謝落起復表

臣某言今月五日進奏院連到勅牒官告各一道蒙恩
落起復援臣依前尚書工部郎中知揚州軍州事仍放
朝謝者表紀爰終朝恩遽至泣血罔極悼心失益伏以
三年之喪百王不易墨縗急用本因將師之臣朕經從

公罔叶春秋之義臣頃帑逆職方執通喪斷恩勉副於
鴻私達禮重違於素志消波无効空增覲冒之顏日月
有期俄卒禫祥之制此者伏蒙尊號皇帝陛下奪其旧
典推以新恩俾除抑奪之名典尽哀崇之礼援琴切
庸豈忘於終天佩玉鏘班尚遙于就日伏限權司藩服
不獲奔詣闕庭臣無任

賀皇帝嗣位表

臣某言伏奉四月一日赦書皇帝陛下虔膺碩命嗣守
鴻勳人神有依華夏同慶伏惟陛下奉先思孝克已歸

小書集卷一十一
仁承列聖之貽謀作兆民之司牧重明繼大明之照先
被選陟少海成百谷之王澤流品彙肆赦渙汗万邦底
寧臣逮事先朝嘗叨內署荐逢聖日權守外藩不獲蹈
舞玉階无任抃躍屏營之至

謝轉刑部郎中表

臣某言今月六日進奏院進到勅牒一道官告一通伏
蒙聖慈特授臣尚書刑部郎中散官勲賜如故仍放朝
謝者

聖澤大齋卽曹序迂聞命若驚省躬知幸伏念臣頃因
薄技逮事先朝誤記姓名過有獎擢兩知制誥一入翰
林報國之功雖无績効事君之道粗守貞方虛名既高
忌才者衆直道難進黜官亦多始貶商於寔因執法後
出滁上莫知罪名大行皇帝漸察非辜移領大郡方且

精求民瘼少報君恩期牽復于詞臣再發揮于王命不
高上玄降材先帝登遐奉諱之辰號天罔極不得趨朝
夕之臨无以為臣子之心淚如絞靡悲人骨髓伏遇皇
帝陛下祇奉頌命欽承慶基荼蓼之情既遵于易月蓼
蕭之澤遂洽于溥天爰自起曹陞于憲部望金臺之殿
誠隔烟霄入白雲之司亦非冗散得不恪居官次虔奉
詔條諭淮海之遺民識朝廷之新命無汲黯積薪之歎
有子矣恋闕之心感慨旧恩追惟往事西陵目断泣血
難收東海日昇傾心更切伏限權司藩服不獲拜賜王

堦臣无任感天荷聖激切屏營之至

賀冊皇太后表

臣某言伏觀四月一日制書冊皇太后禮畢者子道大
備母儀有光伏以皇太后德配先朝功存內治遇坤之
泰叶易象之休徵在河之洲動詩人之雅詠克昌聖嗣
纘服空圖爰旌十乱之功乃正萬邠之母祇膺玉冊誕
受尊稱舜孝蒸之漢儀穆之問安侍膳載趨長樂之宮
舍治弄孫永鎮顯親之殿臣限拘官守不獲蹈舞玉堦
無任抃躍屏營之至

小齋集卷之十一
賀冊皇后表

臣某言得進奏院狀報五月二十四日制書秦國夫人立為皇后者中宮正位率土同歡臣聞軒轅四星上明于玄象虞舜二女內助於皇風永惟王化之基寔繁人倫之本伏惟皇帝陛下誕膺駿命嗣守鴻勗安上定民動循於禮法自家形則先正於宮闈符沙麓之禎祥取塗山之正嫡蒸嘗是奉既逮事於先朝東服有儀更承顏於長樂典冊大備邪家有光臣以任假列藩獲聞盛禮伏限恪居官次不獲臨舞玉階無任抃躍屏營之至

慰上大行皇帝謚號廟號表

臣某言得進奏院狀報今月六日勅下大行皇帝謚號
神功聖德文武皇帝號廟大宗七日文武百寮詣西上
閤門拜表陳慰者典章大備宇宙永安臣謹按周禮太
師之瞽而廡所以作匱謚又按禮記大臣素服而郊所以
以明天誅蓋子不得私其父臣不得私其君爰茲改寔
之父用正易名之法洪惟盛典局在聖朝太宗皇帝知
凡其神惟睿作聖功濟萬物德流八方有經緯天地之
文有尅定禍亂之武錄其行也既如彼定其謚也且如

此又以為極大曰大有德稱宗懋建鴻名永光清廟禮
官博士討論而无異辭公卿大夫僉諧而合旧典為百
代不祧之主享萬世无疆之休伏惟皇帝陛下以大孝
顯親以至公立法率由茂寔誕上尊稱太史之紀國書
有光直筆上公之讀謚冊曾无愧辭終哀且榮爰禮達
孝秩之容既肅讓之福无亨臣逮事先皇累叨近
侍流落郡政哀號国喪執戟之官既傷於疎賤如掾之
筆空入于夢魂伏限守不獲奔赴闕庭

乞賜中南山人种放孝贈表

臣某言臣等聞陳蕃之荐五處士名動邦家田歆之奉
六孝廉事充簡冊惟兩漢之制理於三代而同風復有
聘以安本賜之束帛听其不仕姑務優賢八月奉羊酒
之儀四時致宗廟之胙史之所記代不乏人爰屆昌期
且與墜典伏見終南處山士种放山林養素孝友修身
既聚學以誨人亦躬耕而事母龐公守道不入襄陽之
城康伯避名永絕長安之市太宗皇帝知其高尚曾示
徵求恐違白髮之親未應鵠書之命讓賜錢而不受愚
好爵以難縻今聞於執親之喪賀不能奠棺衾未具宅

小畜集卷二十一
六
死元歸臣等或忝彼交遊或慕其名節傷於貧也現茲
窶窶之憂聞斯行諸豈怯匍匐之救雖共謀分俸而未
若推恩况褒岩穴之賢敢掠朝廷之美伏冀皇帝陛下
特旌素履曲示鴻私少加粟帛之恩俾諧喪葬之禮上
則成先皇之雅意下則揚隱士之清規亦足以激浮競
之風勸孝悌之俗所繫者甚大所費者甚微比考叔之
遺美一時小惠較鄭均之義穀千古同塗干冒宸嚴臣
等无任僭越之至

黃州謝上表

臣某言伏奉本年十二月二十九日勅落知制誥差知
黃州軍州事者逼于日限尋即朝辭自後以改葬先臣
蒙恩給假幸獲親於遠日免積恨於終天枚杵未停征
輪靡監已於今月二十七日到州上訖乍離近侍犹忝
專城循省尤違弥深感泣伏以黃州地連雲夢城倚大
江唐時版籍二萬家稅錢三萬貫今人戶不滿一萬稅
錢止及六千雖久樂昇平尚未臻富庶永言春活亦藉
循良如臣庸愚曷副憂寄謹當勤求人瘼導詔條窒塞
蠹訟之民束縛愴狷之吏敢言庶最庶免曠遺况當求

理之朝必為无害之政伏念臣叨司帝誥又歷周星既
不曾上殿求見天顏又不曾拜章論列時事入直則閉
閣侍制退朝則杜門讀書雖每日起屋寔經年抱疾不
敢求假恐煩醫官自後忝預史臣同脩寔錄晝夜不捨
寢食殆忘已尽建隆四年見成一十七卷雖然未經進
御自謂小有可觀忽坐流言不容絕筆夫終謗之口空
賢難逃周公作鵠鴉之詩仲尼有桓魋之難歎盖行高
於人則人所忌名出於衆則衆所排自古及今鮮不如
此伏望皇帝陛下雷霆霽怒日月迴光鑒曾參之殺人

稍寬投杼察顏回之盜飯或出如簧未今君子之道消
惟賴聖人之在上况臣孤貧无援文雅修身下省附離
權臣祇是遭逢先帝但以無苟合性味隨一時出一言
不愧於神明議一事必歸於正直愠於群小誠有謗詞
謀及公士豈无公論以至兩朝掌誥四任詞臣紫垣最
忝於旧人白首不離於卿署以微臣之行已遇陛下之
至公久當辯明未敢伸理今則上國千里長淮一隅雖
叨守土之榮未免謫居之難霜摧風貶芝蘭之性終香
日遠天高葵藿之心未死仰望旒宸不勝涕洟臣無任

瞻天恋聖省已激切屏營之至

謝加上柱国表

臣某言今月二十日進奏院馬到官誥一通勅牒一道
伏蒙聖慈特拔臣上柱国餘如故仍放朝謝者礼成大
祀泽霈具寮豈期謫官之臣亦預策動之數伏念臣因
緣薄板遭道昌辰承明四入直于廬才非潤色准甸三
移于郡印政昧循良方俟黜幽敢期受寵今者伏遇皇
帝陛下躬修禋祀嚴配祖宗率由旧章大賚群后遂令
郎吏亦廁勳官八柱之名寔叨於茂渥一麾之任有耀

於專城誓將永蘖之心上蒼雲天之施无任感天荷聖

云

云

謝宣賜表

臣某言今月八日進奏院進到宣頭一道伏蒙聖慈以
臣先撰元德皇太后謚冊文特賜臣衣着五十疋銀器
五十兩禮畢圓陵恩霑論譔伏念學慙稽古才名不兼
人際會先期忝塵近侍東里子產累居潤色之司南面
仲弓繼荷分憂之任泊違纘嗣復竊掖垣適當議云陽
之陵定昭成之謚猥承詔命恭少冊文深虞孤陋寡聞

難當大手筆事雖經御覽未息兢惶今者謚冊入陵神
祔廟伏惟皇帝陛下孝思罔極允澤下流須厥籙之殊
繒錫中金之器皿捧承靡措踴舞失容儒冠之榮无以
加此孝治之化足能感人惟覓冒榮曷知報効臣无任
瞻天荷聖激切屏營之至

起居表

臣某言今月二十五日進奏院遞到御札一道劄皇帝
陛下取今月五日暫幸河北者黠虜猖狂聖人順動守
殲克醜永息妖氛伏惟皇帝陛下續嗣鴻圖憂勤庶政

戢人武以不殺用人而化成蠢尔契丹敢于於天紀陵
越堡障驚搔吏民王師已振於健音帝命尚勞於巡幸
契百姓未蘇之望是六師賈勇之時以鎰秤銖移山履
卯即日蕩平蕃部更无南物之人守吠塞垣願作北門
之狗在此二奔求服四夷方屬初寒暫勞天步臣以任
居僻郡地遠行朝捧牧圉以无由仰雲天而積恋臣无
任瞻天望聖激切屏營之至

賀收復益州表

臣某言今日日進奏院伏報雷有終奏收復益州者臣

小書集卷二十一
三
當日集官吏望闕稱賀并告諭諸縣訖守臣不武戍卒
弄兵暫出偏師果平孤壘謝臣伏覩益部久樂星風蕞
爾王肉敢萌逆節蓋灾流于分野致盜掘于城池伏惟
尊號皇帝陛下斷在睿謨擢茲儒將雖依九伐之法特
開三面之羅尚敢嬰城斯為迷復悞因獸猶聞之又徵
圍兵必闕之文縱以遁逃今自靡盡潰由聖畧永淨坤
維臣任忝頌條欣聞捷奏无任歌時樂聖歡呼蹈舞之
至

賀勝捷表

臣某言今月三十日得進奏院狀報今月十二日據夏州路馬步軍都部署王超延州路馬步軍都部署范延召等各差入內殿頭高品岑保正入內高品賈繼隆等走馬齎狀到闕奉兩路大軍入賊界到烏白池會合前後二十六度掩殺著蕃賊殺下末慕軍主一十一人吃囉指揮等二十餘人及殺下蕃賊五千活捉到蕃賊二千余人并收到馬二千余疋奪到衣甲器械二万余事件傷殺却蕃賊不知數目打奪到牛羊老小不少收到糗糧料艸窖竈極多並已散与一行諸軍其蕃賊帳族

舍屋並曉毀蕩盡所有蕃賊田禾苗谷並總收刈及踐踏淨盡其李繼迂與蕃賊並已潰散迺適其諸路大軍并百姓已於今月二日並安却迴各歸遂處駐泊訖皇太子宰臣文武百官於今月十三日入賀者臣當時集軍州官吏等宣讀告諭望闕拜舞稱和訖贖虜窺邊王師出塞大賊充醜永息祲氛凡在照臨畢全慶快中謝臣聞姬周脩塞未則擊之炎漢用兵事不獲已蓋為民之除害亦有國之常刑言念夏台古之白翟雖居沙漠寔近峭函叢尔繼迂久稽天討養成巢穴名集逋迺道暫

戎人驚僇王土伏惟尊號皇帝陛下外其夷狄念在生
靈戢堂之上竒兵惜閔中之民力以至賜之困姓改以
令名位重察廉官兼保傅而獸心反惻大性猖狂劫掠
我吏民侵陵我疆境皇威敝怒禁旅奔馳而路齊攻三
軍合力應兵神速突騎龍驤疾雷无掩耳之期烈火動
燎原之勢大小十六陣斬獲萬人積甲如丘陵疆屍滿
沙蹟發其積聚獨其室廬俘牛馬以谷量蹂稼穡而掃
地足使五千深入哭李陵之功十万橫行輕樊噲之虛
語而况偏裨斬劓罔有子遺渠魁遁迹僅以身免賊氣

大沮人心已離係于庭闕之前誅手獨柳之下止應尅
日到听吉音此皆断目宸衷出于睿筭過其橫議授以
聖謨故得帷幄之边陣高犹展沙場之上捷書已未歷
考自古帝王料兵速未有如陛下者也臣去年叨書密
命併直内庭批送鑒之封章屈王言而姑息未嘗不援
毫切齒怒駿冲冠忠无將帥之材寔大夫之耻今則身
居郎署目觀神容感涕忻歡倍万尝品伏限權司郡印
不獲拜舞闕庭臣無任

揚州謝上表

臣某言十一月二十四日樞密院馬遞勅牒一道至滁
州伏蒙聖慈就差臣知揚州軍州兼管內段堰橋道事
替量儼仍故朝謝取便路任遞馬蒞送移任所者臣已
於十二月四日到揚州上訖祇奉朝命初權藩服分憂
任重謫官心寬感恩而涕泗無從省已而兢惶夙次謝中
伏以禹別九州斯為奧壤唐分十道是曰大邦控淮海
之津梁會東南之漕運當聖主賢之日親王領鎮之初
宜擇才能俾人繁劇豈臣愚昧而所克堪伏念臣頃以
藝文獲塵科第三館兩制遍歷清華千載一時別无媒

援由是上惟奉主勞不忘人比因直言頻至左官去年
自禁中出職除上臨民勉在公憂虞度歲鬢髮漸白
眠自己昏但以行年未高不敢求退明代難遇犹思報
恩願惟善政之茂間豈望鴻私之曲被今者伏蒙尊號
皇帝陛下擢授小郡摧蒞大藩雖放弃之臣君恩未替
而要中之也使侷孔多微臣素之家財本州元无公用
恐因供億別掇悔尤冀至心之察微免中口之騰謗此
外麗当勵豈敢曠官况揚州雖號藩方而无多戶口凡
干場務皆有使臣在其中提振而已至于决浙詞訟

督責賦租持以无私必期集事今緣奉詔急連所以不敢稽留庶子庶時之間別求散慢之地奔頭見日空知京闕之遙白青為郎甘老江湖之上伏限權臨郡政不獲躬拜天庭無任

請撰大行皇帝實錄表

臣某言聞二帝三王之道无尚書則祗而不見战国秦漢之事无史記則滅而不傳更使後之視今犹今之視古者書史是賴黜伏以大行皇帝功濟万物道高百王誕敷皇謨勤恤點首憲章軍國之務經制郡縣之權故

得百万之師如臂指億兆之衆推心致腹而又禮樂刑
改之盛殷明文物之花煥乎輝然有足稱述附于二十
一年行事而王道備矣伏惟皇帝陛下以奉先孝副知
子之明紹膺丕高惟克永世樞前即位天下宅心社稷
人神罔不依附華夏壘貽罔不駿奔斯乃先帝之貽謀
得陛下之聖嗣乾坤交泰日月重光歷考近古立儲闡
承帝位未有如我朝之盛者也臣愚以為撰大行皇帝
寔錄垂之不朽况盛德大業簡冊具存鴻儒碩生臺閣
皆是豈臣孤陋散有覬覦然念臣太平異國五年徒步

應奉再說御試遂登文科服勤州縣揚歷四孝先帝探
搢紳虛譽自長洲令徵為左正言帖直史館明年轉左
司諫知制誥出入中外十有三年進不因人退无頭過
永惟知己之至未得殺身之地今陵寢有日論撰是資
倘得措一辞于帝典之中署一名于國史之後臣雖死
之日如生之時至于褒善貶惡之文編年紀傳之例脩
宗探討粗見指歸况端拱元年春季日歷是臣編修如
蒙帝俞不辱君命臣无任懇悃之至

謝弟禹圭授試銜表

念禹圭臣之母弟素无文性早使專經重以先臣惜具
 幼子本朝擢第以慰慈顏自後往往卒六年丁憂三載
 漸及強仕未有出身今者伏遇皇帝陛下續嗣寶蓋詠
 敷文德凡店守土之任又合駿奔因命在原之親入修
 賤貢伏蒙陛下奉先朝之故事推出震之殊恩俾列官
 常仍居仇校起家之家曲荷於生成報國之心同期於
 死所伏限郡印不獲蹈舞玉皆臣無任感荷聖激屏營
 之至謹奉表陳謝以聞

賀聖駕還京表

臣某言今月十六日進奏院狀報正月二十三日大駕
還京者大戎迭道蚤輅凱旋神伏惟尊號皇帝陛下奉
承祖宗威懷戎懷但懋守文之德靡矜神武之功蕞尔
林胡無名內侮蜂屯鳥合鼠竊狗偷必想邊民奮挺以
歐攘亭長持繩而繫縛豈勞車駕遠涉山川陛下念二
聖臨朝每經營於河朔屬三時不害乃迺幸於沙場存
問耆年勞來強吏有征无戰諫詩觀風邊人識龍鳳之
姿胡馬避虎貔之衆昔周宣薄伐獫狁深入大原漢武
斥逐亮奴遐臨瀚海頗為勞弊尚者教時曾未若陸

下仰順天時俯從人欲出狩各當於各隙班師未廢於
農祥瑞屆紫宸飲至清廟各雨方霈春華正繁捧觴長
樂宮之錫宴上林之苑皇歡大洽天步永安易曰聖人
以順動則刑罰清而民服子孫曰不戢而屈人之師善
之善者也其是之謂乎臣在謫官先有扈從既不得少
頡利可汗之露布又不得荅冒頽單于之慢書當文士
有為之時處山川无用之地迎蓋莫遂望闕弥深臣无
任歌時樂聖

謝加朝請大夫表

臣某言今月十三日進奏院遞到敕牒一道中書劄子
一封伏蒙聖慈以臣預修太祖寔錄特授臣朝請大夫
仍賜絹五十疋銀五十兩者陞級請崇賜賚優厚恩生
望外事繫宸表仰戴寵光伏增戰越臣謝伏念臣素无
望寔久玷清華訓誥典謨罔知体要春秋檮杌豈識指
歸去歲伏遇尊號皇帝陛下詳觀國書追念始祖頽復
不祧之廟光揚納麓之勲以為自昔編修或多漏畧永
懷丕烈深軫孝思謂漢祖元功立紀于武帝之世神堯
寔錄重定于高宗之朝爰詔近臣再編茂寔臣叨膺是

選九愧非才尚賴宰臣李況監修錢若水提領其職臣
則討論遺事潤色舊文始則合秦趙世家得國姓之根
本攷唐杜氏族見太后之諫流凡所改更皆有按據庶
彰帝業以副天心方施汗簡之勞迺有分符之命无由
別白但積憂危加以年髮漸高郡封其僻野烏閑暇潛
窺賈誼之容江夷噉喙欲嗟灵均之骨未知何日再覩
天光豈謂大典初成群賢進御陛下以臣曾施翰墨曲
記姓名俾進階資復援恩例絲綸溟汗金帛輝華州民
改觀謫官增氣領郡城而兼史氏何異唐賢奉朝請以

為大夫榮同漢制非小臣稽古之力乃陛下好文之心
涕泗縱橫縻綆亂於神魂飛越若在烟霄唯知遭逢曷
可報効然念臣業文之外蔑有器能知命之年別无嗜
好才思未減筆力尚雄馳于文翰之場犹能識路貴以
循良之政恐悞分憂倘用所長期不辱命臣无任

王黃州小畜集卷第二十二

王黃陳北道集卷之二十二

Faint vertical text columns, likely bleed-through from the reverse side of the page. The characters are mostly illegible due to fading and ghosting.

王黃州小畜集卷第二十三

賀冊尊號表

臣某言伏奉去年十二月二十四日批荅允百僚所上
尊號內四字今年正月一日御朝元殿受冊禮畢者日
新盛德讓茂寔而不居天啟群心上尊名而得請事光
簡冊慶洽華夷酬伏惟尊號皇帝陛下受天靈符作民
司牧元々本々咸臻富壽之鄉戰々兢々未減焦勞之
念一昨特頒鳳詔盡省鴻名謙冲之道弥光推戴之心
安仰百辟請仍於旧貫睿春不廻三章別上於新名宸

小書集 卷之二十三
所見納尚以為法天之義可以體剛健而奉高明崇道
之名可以守虛元而務清淨見帝皇之自下却文武之
大功俯順万邦作程百代粵茲元日誕受徽章冊鏤軋
文愈見流謙之道禮成帝籙更隆卜世之基臣擢列上
台得覩盛事伏限未任拜起不獲稱慶朝堂

謝降御劄表

臣某言今月二十二日夜伏蒙聖慈特降御劄云云者
驕陽作沴乃相臣調變之憊乙夜飛文見聖主焦勞之
旨引過咎以歸已教刑政以留心捧讀驚慚不遑啟處

中
謝伏惟尊號皇帝陛下為民父母受天聰明聳恩而已
滅祲星轉衽而尚憂時雨側身修行自符云漢之詩
食宵夜莫有華胥之夢特形宸翰備見天心恨犧牡何
止靡愛珪璧諒至誠之所感致甘澤以非遙臣備位台
司親承睿旨君歲大旱多慚傳說之才謂天蓋高必所
湯王之禱未蒙冊免尤愧搢紳而又誨以刑政敢不勤
于夙夜少助憂心之意庶成澍雨之期伏限脚膝未痊
不謝拜謝闕庭

賀雨表

臣某言伏觀今日日甘雨大降宰臣呂某等便殿稱賀者自秋以來時雨不降遇災而惧至誠爰禱于上玄有感則通甘澤忽霑於下土豈登有望朝野同歡中伏惟尊號皇帝陛下七政感齊五行為盾夤畏昊穹之命焦勞刑政之源一昨祆孽告災豐年失望宿麥播而木出旱雲垂而不霑陛下靡愛斯牲偏走郡望降廷臣而決獄御便殿以錄囚御筆搗文一夜引萬方之罪清詞瀝懇紐旬祈五福之宮惟德動天而天不違至誠感神而神授職向夕而月離于畢崇朝而雲上于天散絲偏

洒於焦枯比屋重興于耒耜豈止小康之兆乎書大有
之年堯眉舒八彩之顰免貽臣辱舜樂復九成之悅民
凡在含生同知大齋臣為霖寡術和鼎備貲方期冊
免之命以塞變調之咎處台司而愈愧荷聖感以彌深
伏惟本任拜起不獲稱慶朝堂

賀雪表

臣某言伏覩今月九日臘雪應時宰臣呂某等便殿稱
賀者伏以臘者四時之暮所以成歲功雪者五谷之精
所以滋農畝寔上玄之垂祐表聖主之愛民凡在昌朝

共欣嘉瑞，謝伏惟尊號皇帝陛下，勤勞廢政，欽順天時，
因百姓以為心思，躋壽域慮一夫之不獲，嘗若納隍而
自秋徂冬，密雲不雨，陛下念兆民之稼穡，憂七廟之染
盛，徹金石於堯軒，減葷膾於舜甑，而又京師之內，鰥寡
之徒，大頒金帛之資，用極飢寒之累，靡神不奉，有感則
通，遂令六出之祥，大副三農之望，連宵委積，遍野霑濡，
彰聖德以弥光，書有年而无愧，臣方居假告，忽覩休祥，
雖慚調燮之功，但樂豐登之望。

賀罷謁廟大禮表

臣某言伏觀御劄示諭内外文武百寮以彗字之祇特
罷八月二十四日謁廟大禮仍擇日御丹鳳樓肆赦者
清廟陳議玄穹示誠引万方之罪皆在聖功退三舍之
祇佇光帝德凡居履燾畫仰昭中謝伏惟尊號皇帝陛下
寅畏上玄祇嚴列聖垂象忽呈於恠異惟罄罷荐於祖
寅洒宸翰以飛文出綸言而引咎仍行赦宿用荅穹是
九土編毗盡聞哀痛之詔三边戍卒頓減歌唸之聲佇
見玄德升聞至誠感應五緯變連珠之狀載耀朝文萬
邦頌執玉之誠同扶帝業臣之叨輔弼脩熟憂勤慚非

小齋集卷二十三
伊呂之致君但仰禹湯之罪已歡吹拊跽倍萬常情

賀御樓肆赦表

臣某言伏覩今月某日皇帝御冊鳳樓大赦天下者謫
見上玄乃降責躬之詔澤流率土仍推作解之恩凡在
照臨同深慶賴謝中伏惟尊號皇帝陛下順者古道覲乎
天文有年將謝於祖宗玄象忽垂於躔次遂停吉礼用
慰咎徵慮廢政之闕修欲普天而流惠樓開丹鳳大昭
引咎之誠竿揭金雞咸与自新之路幽明靡間罔罔皆
空人心已作於頌声天道頓迴於和氣佇現符瑞用荅

憂勤臣年在衰殘功虧變理冊免尚稽於旧典禦災但
仰於新恩愧畏競虞罔知所措

慰公主薨表

臣某言今月某日得進奏院狀二十一日某國公主薨
者雲愁魯館風咽秦簫驟鸞轡以颺馳慘龍頭而雪泣
謝伏以某國公主自天鍾秀稟聖含華聲詩早詠於肅
維選尚遂從於厘降行旧姑之礼克表人倫宜公候之
家誕彰婦道豈謂瑤台促召玉樹先催星沉而婺女難
留月晦而常娥不見伏惟尊號皇帝陛下悲深天性痛

小書集卷二十一
極皇枝歎媯汭之逝波空驚長往望沁園之荒土无復
歸寧凡在人臣共增悲悼臣限拘留務不獲陳慰闕庭
乞歸私第養疾表

臣伏念臣廢常朝將臨聖節紫宸咫尺難獻壽捧觴黃
閣優閑但備貞而調鼎不歸私第寔玷公朝 輟述
懇誠形于章奏伏蒙尊號皇帝陛下曲垂敦諭未賜听
送念疇昔之遭逢存始終之寵遇聖慈雖原公議難安
况廊廟具瞻白銜重務固當夙夜匪懈朝夕論思豈有
半年之間殊无一拜之礼外論恐傷於冒寵私心未免

於懷憂伏望皇帝陛下俯察衰容更容假告庶藥石之
有效俟筋骸之稍康盡瘁匪躬尚更期於晚節懸車老
敢輕付於明時倘遂允俞不勝懇願

為乾明節不任拜起陳情表

臣伏念臣向嬰羸疾久免起居願聖節以將臨候天顏
而尚阻在百辟具展之地合展禮容當十官獻壽之時
未任拜起載循衰朽但積兢憂中謝伏惟尊號皇帝陛下
甲觀猶祥華封祝聖方邦玉帛皆頌就日之誠五等公
侯共樂後天之壽凡居覆燾熟不禱祈况臣首冠台司

曲承人勝曳屐方艱於步武捧觴寔阻于歡呼有禮則
安考格言而是惧无德而祿名厥疾以攸宜空存善禱
之心願怒不良之足筋方為禮雖臨九杖之年股肱惟
良深愧搢紳之綸臣先任

乞差官通之謁廟大禮使表

臣虔傾丹懇仰達紫宸載三維躋於聖聰萬一冀迴於
天矜伏念臣遭逢昌運泰窈台司三千年將相之權周
旋備位一千載君臣之分終始无渝而自秋夏以來脚
脚無力免常忝於紫殿頂尖政色黃暍伏遇尊號皇帝

陛下告謝豐登祇嚴宗廟既列三召之首合居五使之
先顧筋力之不支慮趣蹙之失度輒伸悃幅冀免遺差
豈謂陛下雖念暮年猶敦後事猥將大禮責在老臣加
以中使太医旁午於道路王言御劄稠沓於門庭認膚
青之丁寧豈自高於安逸受已行之命馬敢苟固違在
臨事制儀尚期通攝是敢預陳危懇上禱宸嚴庶于行
事之晨免致乖儀之咎

求致仕第一表

臣某言臣聞知進知退賢達之格言有始有終君臣之

大義時染乞骸之疏，猶馳就日之魂，冀仁主之憫，差遂老臣之休退。中伏念臣比之宏材，且非世胄，鄧仲華之素望，不過功曹岑文本之初心，立于縣令，偶以遭逢景運，扳附先皇，擢自從驟，居相輔，捐驅誓命，不後他人，任重才輕，終无成績，泊盟津之出，將遇代邸之興，王駿奔北闕之前，脩佐東宮之列，臣此際已能知止，便誓終焉。豈期陛下軫念青毡，重升黃閣，但奉明文之教，令曾无啟沃之謀，獻迹後陛下察以兢，持均其勞，逸連鎮襄鄧，暫遠唐虞，節旄久竊於寵，榮寒暑漸成於衰，馳前歲幸

遇陛下躬事上帝親耕千畝之田老臣位忝諸候合預
五推之禮請朝天闕尋奉帝俞得伸助祭之誠寔有分
司之望陛下過私天眷復列上台既責重以位高果猶
憂而成病今春始于微恙遂致沉痾陛下終賜哀矜多
方治療瘥平未几步履猶艱自茲特免常朝仍司大政
無一言以俾圣听无一拜而覲天顏在中書則省吏扶
行羞看朝士歸私第則鳴驄導前耻見都人已為廢疾
之身曷称具瞻之地近因歲暮轉覓形羸雖云告假之
中仍列鈞台之上存問頻勞於聖慮優容寔玷於公朝

况宰臣一日之俸金乃下位數年之祿食君恩雖厚敦
有國之晏倫內府雖豐耗生靈之膏血苟不思止但冒
寵先豈惟辜負聖知直怨招魂延暇伏望陛下听其告
老惠以歸全庶于瞑目之前少遂安身之計示君恩之
有卒使賢路之无妨必也辭榮許歸西洛幸而未死獲
見東封免令就木之年更取伐松之刺尚慮陛下過存
合旧便断來章雖犯嚴誅當期必遠限以南艱步武不
獲躬拜明朝堂謹遣次男六宅使承煦詣東上閣門拜
表諫乞以開

第二表

臣某言今日日稟章上閣告老愚車優詔未俞雖增寵
遇殘年无几頃至哀鳴從獲戾於違天冀退身而得地
中謝臣聞葛亮蜀之名相以二十罰而傷神裴度唐之鉅
賢始四十歲而髮白或成衰促盖積憂虞况臣非武侯
之才能无晋公之智略然以遭逢先帝際會聖君塵重
位者三十年處浮生者七十載雖无功名報國嘗以畏
慎周身衰老若茲死亡无日未解弼諧之任頗傷公吳
之朝但冒寵於三朝終取笑於千古是以懇求致仕違

合田章陛下曲存始終迺有敦諭听自天之成命雖沒地以知榮其如老病弥加死期非遠况庙堂三人貴極人生尸素万錢罪招陰譴与其速之斃曷若優之以生伏望陛下惠以考終致之散地冀延餘息尚見明時感聖主於生前從先臣於泉下幽魂无愧朽骨有光區區之誠寔望

于此

第三表

臣某言臣屢上封章請還朝政繼蒙批荅未賜帝俞七十恩車于礼文而非遠載三則黷考易象以懷憂念老

病之日加冀皇慈之見憫謝臣聞老氏玄言誠於知足
箕子洪範福尚放終臣雖至愚竊慕茲義况才非王佐
位極人臣出則擁上將軍之鼓旗貴居方面入則佩大
丞相之印綬首冠白司三代有贈官諸子居貴任俸祿
錫齋聚之則何啻萬金官爵階勲數之則無非一品日
有秩酒月有餼錢奉此一身已踰二紀內不能出奇西
策廓氛清而偃干戈內不能阜俗安人救悍娶而濟富
壽玷聖朝之公道為陛下之私人齒髮衰殘形骸病弱
此而不退是謂无厭向者祆芻忽生亢陽斯久天怒神

怒寔為老臣引咎責躬反勞聖主今幸時雪大降豐年
有期多慙變理之功全臣處三台之上列當万乘焦勞
之日為一生尸素之人縱免國刑必招陽責臣所以號
泣求退朝夕不安者正為此也伏望陛下察由衷之危
懇行冊免之時天庠延風独之年獲盡雲龍之分若一
旦溘先朝露尚秉洪鈞則埋骨泉臺幽魂書愧書名國
史後嗣何觀瀝懇披肝期于得請

第四表

臣某言今月五日至十四日三上封章懇陳致仕伏奉

十七日批荅不允令斷未章者伸告老之誠寔當暮齒
拒已行之命合受嘗刑與其冒寵以招殃不若違天而
獲戾謝中臣聞上天之育万物各使得其時是以春則發
生秋則肅殺示有成也明君之馭百官荅使得其所是
以壯而入仕老而恩東明有終也敢徵斯義以道危誠
伏念臣遺疾弥深殊年非永聖主不能有瘳白料此生
必難報國惟當明代早遂退身繼有哀鳴固非飾詐况
去年十二月二十三日陛下幸臣私第見臣病容以至
金口憫嗟重瞳霑泣臣此際潛忻得退志在不疑始望

小菴集卷二十一
十一
一表見俞豆謂三章不允曲形敦諭迺念遭逢雖恋聖
明其如病廢臣今日暮途遠居堂待終氣羸則藥劑无
功手顫則粥杯難於步履衰殘之狀備封天顏尸祿之
愆累煩聖听寔歸骨詎敢要君鄙志不移有死而已

讓西京留守表

臣某言自今月五日至十五日四上表章懇求致仕伏
覲二十一日內降白麻伏蒙聖恩授臣守本官兼中書
令行河南尹兼功德使充西京留守者維上封章乞歸
骸骨未行冊免忽用保厘願殘年而氣若尸居听成命

而魄疑天奪微軀殞越奔族憂虞謝臣聞賞王八柄是
為生殺之權分務兩都寔總居留之地願惟老朽曷稱
崇高伏念臣出自孤寒今非俊傑久處秉鈞之任止因
開國之期嘗依託諸侯三十五未諧釋褐洵運逢明主
十九尚占台司固无經國之謀犹但享逼身之富貴上
辜聖德果有天殃自邁沉疴已踰新歲啟手足而能餘
几日為股肱而深負明時是以泣血濡毫呼天抗表願
罷萬錢之俸預營五尺之塚尽是哀鳴固非飾詐豈謂
陛下過私天眷復降徽章別聞荀令之地俾守周公之

小書集卷之三
宅荷君親終始之分近古殊无子宮闕宗廟之司非才
莫可况臣手不能運足艱于行苟聞命以不辭是捨輕
而即重前求罷相皆是欺天不惟受君子之誅兼恐敢
樵夫之笑有死而已臣不敢當伏望陛下憫念桑榆寢
停綸綍放歸私第明告公朝則老臣知止之榮歿而不
朽陛下有終之惠于義何如伏表叩頭淚血俱下

第二表

臣某言今月某日蒙恩授臣某官當日上表陳讓臣伏
奉批荅未允者留司重任垂死殊年聞命不遑拜章陳

讓未迴宸春恐速天殃夙夜以來神魂飛越

謝中

伏念臣

去年春季即染沉痾今歲正初方求致仕非不眷戀明代蓋憂逼近死期述度德量力之心減尸祿素殮之咎所望盡停厚俸高謝台司隨太平之老農作皇家之旧相是為大願夫復何求豈期 陛下特委居留仍加官秩改功臣之懿號付大尹之據權雖荷皇恩寔垂素望且念臣之富貴天下共知臣之衰羸陛下具見肯因体退復取罷榮况西都事繁中分邦政留守祿厚十倍宰臣：若受之是无厭也豈止冒榮於當世亦將取笑於

後人平生无致主之功臨死以要君之罪此臣之所必
不為也若以拒違成命冒犯嚴誅視死如歸期不奉詔
伏望陛下存退人之大体割念旧之小慈賜以安本期
子就木雖死之日犹生之年

第三表

臣某言臣自聽宣麻載陳讓表伏奉荅詔令斷末章頌
老疾之嬰纏荷聖恩之稠沓因辞榮而受祿是冒寵以
沽名泣血慚愧下遑啟處謝伏念臣去年抱病久在中
書上有万乘聰明下有三臣輔弼臣安則署勅因則高

眠上多虛羸不任來往而况兩京分務百職具存七世
之廟甚嚴萬夫之政斯在既非卧理之地尚增尸祿之
尤且三十千貫之俸金數百家之賦調奪其膏血奉此
衰殊雖曰優臣以恩乃是速臣之歿與言及此苟活何
為臣又視前代退人自有常禮或以師事之旧或以定
策之勲亦不過賜以千金与之駟馬而已臣之富貴正
足遭逢有位无功既老且病放歸私第何負于臣豈煩
朝廷過作禮數伏望陛下容其告老察以由裏俾諧知
足之心尽寢已行之命朝退夕死臣无恨焉

第四表

臣某言臣伏奉今月某日第三道批荅不許臣陳讓恩
命令斷未章者上言則是拒命受寵則是要君憂惶失
面進退无據謝伏念臣累陳危懇未動宸衷寔愁老病
之身不称保厘之任万端憂悖三表哀鳴陛下累降綸
言兼貽御札且云開國勲旧惟卿一人又云願養洛陽
事光青史伏讀 聖語位頌殘骸恨不能追已往之年
華換已廢之筋力奔走上道應副天心其余步履艱難
言辭塞澁不求致政是謂貪榮安有昭則讓三百貫料

錢終則受三千貫月俸必若均于庶吏可給數百員分
于六師可奉數千輩或使安民布政或令禦寇備邊割
老臣之弘思成 陛下之公道亦恐增臣微福減臣余
殃因之剩活數年必得我見万乘若雨令赴任不許罷
官尸素轉多憂勞速无恐无益也適足苦之伏望陛下
思一物失所之言察尺失不奪之志寢茲成命俾遂初
心則長往九原免有冒榮之耻更生一日亦蒙再造之
恩

謝降禱札并宰臣就第傳宣不允陳讓留守乞候

病愈日赴任表

臣某言今日日伏蒙聖慈特降入內小底押班韓守英
載賜御劄當日晚宰臣呂某已下至私第奉宣聖旨重
疊示諭兼再賜批荅不允臣陳讓恩命令斷未章者幸
臣諭旨中使傳宣宸翰丁寧雖難封執殘骸哀憊寔不
支持若伏祝堅拒於君恩飛章更煩於聖听為臣之道
寔不自安銷俟有瘳以膺成命謹當偏求良醫精療沉
痼懇願未間憂惶失次

謝許肩輿入內表

臣某言二月日准樞密院劄子奉聖旨許臣過清明節
選日辭朝仍令乘担子於崇政殿入見者老病衰羸聖
慈潤惻察其足疾听以肩輿寔君父之殊私非人臣之
常礼昔恭義授經於宣帝則兩吏扶以趨朝裴寂納命
於太宗則三衛卑之入覲臣死此勲旧有此寵榮自知
殺身无以報主兢惶涕泗不知所裁

謝宣差長男送赴西京表

臣伏奉宣命差臣長男左羽林軍大將軍承宗送臣起
西京者自天有命奔族知榮慰其父子之情益見君臣

之分伏念臣屯慚衰老未遂歸休明君重委於保釐方
憂曠位長子幸叨於環衛合預常叅陛下輟自班竹許
隨行李出于聖念寔耀私門歧路有光室家感泣獨親
獨子既有玷於公朝尽惠豈敢忘于家訓永言感遇空
極涕洟

謝宣旨令次男西京待疾表

臣某言今日日樞密院送到宣頭一道付臣次男某令
隨臣赴任西京侍疾仍不落請受者君親厚過父子偕
行祇荷寵榮弥漕感泣臣近以將之洛邑入覲堯階少

頃恋闕之心併寫感恩之抱沐聖君之發問許幼子之
侍行不落班行仍支俸給寔非常例並出特思想暮齒
以知榮頌私門而積耀此蓋陸下義孰天性恩厚孝思
念黃髮之衰羸俾彩衣而侍養老夫耄矣罷相輔而忝
居畱守童子何知奉晨昏而兼內職唯於忠孝以誓子
孫過此以還不知所措

王黃州小畜集卷第二十三

上黃州山谷集卷之三十三
 送行客出子聖念是權坊門以路有先室不感泣獨
 無處以心墨不吐詞辭意宜敢忘子家訓永言感遇
 其前守童子向味奉景谷而魚凶潮耶於忠於心誓子
 念黃鐘多寡麻野涉涉亦村奉委夫委美器財辭以亦
 不味榮賤以門而鼓雖此是整不義廢天此思也
 行行不義以行而夫執故裏非常謝並道得與野裏
 財惠國之心所高海思之殊木望其之發問得之子之

王黃州小畜集卷第二十四

西京謝上表

臣某言伏奉恩制授臣西留守已於今日到任上說
乍遠龍庭初臨電洛望冕旒而對戀對宮闕以知榮伏
念臣素乏宏才偶^逢遑開國歷兩朝而竊祿叨三人以無
功去歲因係沉痾懇^辭舜重位抗表止期於致仕出綸復
委於留司四上讓章願罷已行之命載蒙荅詔未諸徃
訴之誠慮堅卧以要君遂力疾而受命此蓋陛下情深
念舊禮極退人遂令朽衰之年享此殊常之事入則榮

提相印冠四輔以調元出則分務神皋守三公而在外
仍故荀池之貴弥彰洛宅之雄增老臣無德之殃寔近
古未行之典永言寵遇無与比倫而自感泣朝辭扶力
上道乍臨理所弥耀殘年秦列聖之宗祧都百司之典
故對西覲而寧忘恋閣俯三川而更切朝宗謁太祖之
國陵魂銷弓劍掃先臣之坟墓淚滴松楸念徃追思槩
既榮且惧惟慚潦倒不称居留亦當虔奉朝經旁詢屬
吏卧治上慈於聖化匡廢便於微軀固无裨補之功但
感終之道

謝聖惠方表

臣某言今年月日進奏院狀報十日准御書院劄子奉
聖旨降太平聖惠方第五十一卷至一百卷并排門自
錄一卷六五十一冊並用紫綾裝褙黃絹作簽仰進奏
院遞到西京賜臣者宸眷曲迴上方新製聖惠本霑於
黎庶天慈續錫於老臣欲令病廢之軀再獲康寧之福
酬伏惟尊號皇帝陛下與世作範視民如傷穹百病之
根源選十全之方術爰自朱邸逮于紫宸垂十五年成
一百卷殺疾病疔瘍之理盡金石草木之情莫不岐伯

秦和獻其後行倉公扁鵲奏其方書辨五教五色之微
察九竅九藏之動御製別加於序引生靈咸議於指端
笑玄宗廢濟之方一何太簡繼黃帝親嘗之理千古同
輝頃以模印未全施行簡不廣臣方居黃閣首被鳴慈
常恐此生不見全集豈謂陛下曲存終始再有頒宣窺
天愈覓於高明現海莫知其涯涘惠過反魂之策功深
起蹙之絨進奏謝恩恐自殊於方鎮拜章叙感猶竊比
於台司更延遲暮之年寔自生成之臣無仕感天荷聖
激切屏營之至

謝手詔別錄賜生辰國信

臣某言今日日伏蒙聖慈差臣男某官押賜臣生辰者
天眷迴光私門積耀方勛劬勞之感忽承睿聖之知舉
族為榮百身何報伏念臣才非兼濟運偶重熙一言无
補於宸聰三入徒塵於相位向以虛羸溝疾筋力不支
優容猶列於上台拜謁不拘於常礼死難塞責方期伏
枕以上章疾既有瘳亦合懸車而告老尚恋文其之德
冀伸補報之心豈謂陛下特記生辰曲迴睿眷衣襲
六宮之製器分三品之珍出鞍馬於內閑分綵繒於天

府惟慚老朽不稱鮮葉無褐无衣益負下民之媿有始
有卒空知上聖之恩惟思苦口之言以尽致君之節逼
此以往莫知所為

謝傳宣撫問表

臣某言臣男某押生辰国信至伏蒙聖慈君赴崇政殿
面傳宣示撫問者俯听聖語如對天顏涕泣感恩兢惶
失次伏念臣遭逢有素功業无聞亦嘗潜数昔賢略街
近代劉仁軌處保厘之任功著征遺裴晋公兼将相之
權勲高伐蔡稱為国老不愧後人臣无此勤劳有此名

位未諧休退帝負憂虞豈意生辰尚闕聖念時垂寵錢
俾耀衰殘詞臣草詔於玉堂以循徃例家于授宣於金
口事則非常万死百身終難補報无任涕咽感恩之至
為壽寧節不任朝覲奏事狀

臣伏念沉痾未愈聖節將臨頽筋力以不支望雲天而
積恨既垂修覲莫感寧居竊以臣自偶昌朝久叨責任
入則位崇於三事累玷台司出則名冠諸侯於謬臣塵
居守凡闕慶賀皆合率先而况壽寧嘉辰節名新改當
碎觥觴之日是二年伏枕之余歷夏經秋有增无減莫

八音集 卷二十四
入則位崇於三事累玷台司出則名冠於諸侯謬臣尚
迷於聞蟻傾堯日而雖全葵藿通虞泉而自念亲榆遐
瞻北極之光恨无迅翼善禱南山之壽但有精誠臣无
任祈天祝聖激切憂惶之至

奏姪男表

臣前件姪男某早慕通修比求科試未精於卒業既難
輕入於文場尋以奏授朝恩補充衙內隨從已經於三
任蹉跎遂滯於一名况四房昆弟之間唯念此姪念千
載君之分恐夫良時倘蒙甄錄之思粗有功勤之誠干

犯宸扈先任兢惶激切之至

謝賜姪男大理評事表

右臣伏蒙聖慈授臣姪男某大理評事者抵荷寵光不任榮懼伏以法寺美官聖朝好爵凡云選授必擇器能豈期不調之材遽忝起家之命伏念臣侄男某稟訓雖久知書未深坦以補署職名侍行藩鎮既蹉跎而有素恐仕進以先階爰因誕聖之最輒有量材之請伏蒙尊號皇帝陛下不循常例特降殊恩賜猶子之官常念老臣之衰暮諒殺身而何報空舉族以知榮臣先任

徹連壽寧節功德疏奉表

右伏以何清社鳴千載啟興之運天長地久王萬家傾
祝聖心之居留既冠於台司虔禱寧國於庶位是以集
祇園之開士啟秘藏之真經仰讚雲天不捨畫鍾梵鏘
洋於四水香花煥耀於六街預期華渚之星已滿周天
之月伏西方之聖教祝南面之玉尊庶使星望帝車與
金輪而永固山齊聖壽歷沙劫以長存臣無任

代呂相公辭起復第二表

草土臣某言臣方虔哀摧忽聞恩命泣血負罪號天自

陳詔旨未從荒迷殆絕中謝伏念臣變調無狀侍養棄方
於國於家非忠非孝不自殞滅柘此鞠凶敢期苦塊之
間更被絲綸之命伏望尊號皇帝陛下曲行恩例念遭
逢雖荷寵榮恐傷風教况古人重及親之祿君子有終
身之喪臣雖不才粗聞期之必將負一杯之土封五尺
之坎慰泉下之流魂赴天下之達禮固非飾詐乃是常
情伏望陛下少抑恩姑全大体寢茲成命俾執通喪免
不孝之名有辱具贍之地臣死任叫天叩地哀號殞絕
之至

代王侍郎讓官表

臣某言今日日伏蒙聖慈賜臣官告一通勅牒一道特授臣戶部侍郎叅知政事兼加階勳爵邑者位列二卿職叅四輔雖听成命寔懼廢官呼天閭而自卜遠圖讓帝澤而誠非飾詐中謝伏念臣才非命世學謝通儒雕虫強繼於家門射鵰敢希於科第不謂策名之日適當出震之期垂衣方濡滯於殊恩釋褐不循於常調未經歷試思立班行不出數年俄居近密佐乃聖乃神之主為旅進旅退之人有何謨猷裨益改化至于斷決机務死

非稟听明尸祿居多黜幽有待雖聖情之未咎在物議
而可驚豈謂尊號皇帝陛下猥以諛才入叅大政在青
坛之行慶雖奉彛章佐黃閣之持衡是為非據而又階
勳並進爵邑兼榮苟或不辭豈為度德且陳力就列有
不能則止之言惟器与名有不可假人之議願改已行
之命免貽將至之殃伏望陛下特寢新恩令居旧位靡
厚累餐之罪庶无戾餽之虞臣則老在諫垣終於密地
求知止足敢有覬覦獲避斯權是為多福

代吕相公讓右僕射表

小書集卷之二十四
臣某言今日日伏奉制命授臣守尚書右僕射仍改賜
功臣者手章三事績效無聞師長百僚恩榮不吹雖听
已行之命寔懷非據之憂伏念臣猥以常才驟逢昌運
擢第偶叨於珠綴效官偏歷於清華皆自聖知寔無公
望頃者入叅大政逐正中樞雖堅報主之心且昧化民
之術炎涼屢換尸素弥多洎免鼎司犹居中宰六卿分
職既有冠於班行五日延英但祇奉於朝讀省躬知忝
沒齒為榮豈意謬荷聖恩復登台席避讓不獲兢惶失
容自再秉鈞衡遽罹寒暑雖身非土木粗欲荅於鴻私

而或昧經无裨於至化有辜重任罔稱具瞻固合黜自
廟堂放歸田里揚于著位以勵事君伏蒙尊號皇帝陛
下曲念遭逢俯存終始特加端揆仍賜功臣矜其不逮
之心所謂退人以礼然而中臺峻右相古官若台司无
狀之人處會府弥高之位則具僚安仰後代何現伏望
陛下少抑弘恩顯從公議特追前詔別授散官庶使好
進之流詎敢妄動不才之士得以小懲區區懇誠寔非
飾讓于犯宸嚴无任感天荷聖激切

為宰臣以彗星見求退表

臣某言臣聞平章百姓任繁于安危冊免三公心因于
災異覩上玄之示謹居大位以何顏伏念臣等俱之宏
才濫司庶政昧變調之至理等啟沃之嘉謨迨以先帝
誤知驟加擢用聖君嗣統曲示優容歲月屢更弼諧无
狀既失具瞻之望果貽喪餗之愆數日以來祚星忽見
謀人之困蓋皇化之未孚代天之工致乾文之告變此
而不責何以致君伏惟尊號皇帝陛下舜天奉先堯心
稽古勵克勤之至德推好問之虛懷循列聖之丕基守
而勿失委大臣之政柄用之弗疑无一事不賜詢求无

一言不蒙听納上下之情靡間小大之政可行所宜臻
福慶于黜熬名休祥于蒼昊而星緯若此庙可知是乃
元首之明股肱不称之明驗也伏以君臣全体非人不
居陰陽未知擢士為相乃邦家之令典今古之彛章伏
望陛下思宗社之遠圖備廟堂之重任旁求岩穴博採
播紳俯順人心上答天誠必生良弼用協聖猷克致和
平生銷變咎臣等不勝鼎足耻對朝行明降絳綸放歸
田里瓦砾秉鈞之地甘為擊壤之民用此終身寔為多
幸臣等无任叨榮窃祿戰汗待罪之至

又謝恩表

臣等言近以變生乾象罪在鼎司再上封章更避廊廟
伏奉批荅未賜允俞中謝竊以休咎之衝擊于政教宰輔
之任職在變調得之則降祥非人則示譴惟天降奎若
影隨形伏念臣等備位三台歷事二聖既不能內安百
姓使盡闢于汙萊又不能外撫四夷俾載橐于弓矢但
妨賢路莫報國君遂致和氣未融星父夫度易云又誰
咎也語曰于汝安乎是以願罷鈞衡請求弼輔庶銷天
誠克致時雍伏蒙陛下荐降絲綸曲形敦諭雖未加放

迺而寔不遑寧復况避正殿於宸居減太官之常膳引
萬方之罪皆在聖躬退三舍之祿必迴天意臣等尚容
待罪弥積厚顏當主憂臣辱之時抱尸祿素食之過免
冠伏問再三慮躅於天聰碎首糜軀萬一冀伸於臣節
敢不精求理本廣察物情討論國經勤恤人隱議邊防
之措置評刑政之弛張庶凡上減焦勞旁銷氛祲稍逃
官謗免辱聖知區區之誠寔在於此臣等无任感天荷
聖激切屏營之至

為兵部向侍郎謝恩表

臣某言伏奉制書入忝朝政拜章陳讓荅詔不從兢憂
失焉屛勉就位伏念臣出于寒寒素偶科名玷先帝誤
知驟加擢用聖君嗣統未忍矣遺在臣心而自知所物
論之難處豈謂尊號皇帝陛下特頒綸命俾佐鼎司職
在弼諧事闕理亂自非抱討謨之業有變通之才上可
以啟沃四聰下可以贊成三事則何以副措紳之佇望
塞宵旰之虛懷是敢具述退誠願罷光寵陛下不移
前詔終辱大恩再三慮靖黷於天心万一冀傾于臣節
又念兩朝近待五稔叨榮雖覆載之恩終无補報幸犬

馬之力未甚哀殘謹當知无不為退思補過調四時於
玉烛誠愧昔矣誓一舍於鴻恩臣某言伏奉聖慈授臣
礼部尚書者推恩掩過省已慚愧伏念臣跡本孤平才
非秀茂当先朝之踐祚遇丹陛之較交自忝科名動踰
涯分驟登密勿罔効涓埃雖竭精誠畧无献替洎罷歸
諫署出領藩條奔走五年遷移四郡徇公之志中外不
渝恋闕之心朝昏在望先皇帝召使荆渚俾佐台司未
伸致主之誠遽逼上仙之數薄命雖在孤鳧已銷伏過
尊號皇帝陛下統嗣丕基遵承先旨特迁官秩曲示優

容又換炎涼寧无俾補引退難輕於公就恋恩遂涉於
因循一事篋聞兩朝冒寵宜從遠貶用戒將來伏蒙陛
下曲念遭逢特存終始峻陟六卿之列罷叅三事之權
塵茲顯官未塞公議古人所謂進則負天下之望退不
失六曹尚書者臣今是也南宮踈遠北極崇高欲報鴻
恩未知死所臣无任

為兵部張相公謝官表

臣某言臣仰遵帝令再踐鼎司无非常之才負天下之
望任重德薄以榮為憂謝伏念臣猥以庸才驟登貴仕

前忝三事行將二年憂畏則多輔弼无効罷歸左轄尋
改正卿迂移數州奔走万里属先朝厭代方泣血於終
天洎聖主承祧幸忝而就日甘臣散地以終此生豈
謂尊號皇帝陛下過求旧臣曲奉先旨委以万務冠于
三台聖眷則隆物論未允懇疏陳讓宸慈弗俞免就岩
廊若墜淵谷方今皇澤雖廣黔黎未康而北边防不无
屯戍東南土俗亦有灾傷當陛下宵衣旰食之時責
微因富困安人之術將何智畧以副倚毘但念生逢聖
朝年過知命不敢受死或期報恩苟拾短以從長庶以

勞而補過涕洟兢惕不知所臣无任

為吏部李相公讓官表

臣某言伏覩制命授臣守本官平章事監修監史者台
輔正名策書重戒載循非據曷称具瞻夙夜以來神飛
越中謝伏以承天之序王者所以闡鴻猷秉國之鈞宰相
所以熙廢續代天理物負重位高苟非英賢必見壅敗
伏臣臣才非拔俗世乏顯官爰自策名適逢昌運繼箕
裘之業位以過於先臣踐臺閣之資身久妨於賢路大
宋皇帝推叅大政莫著微功冒京則多无狀罷去帝皇

陛下初昇望苑慎擇官僚叨賓護之重名佐元良之茂
德茂聞輔道空積歲時伏遇陛下纂嗣皇極復陪相府
送往事居之節但極哀榮庇民尊主之方寔无措置听
于物議有玷聖猶豈謂陛下過念遭逢特加倚注舍之
為相恐累知人况呂端以黃髮重名退居傳保傳李至
乃青宮同列出守藩維独臣瑣材当此重任乍聞綸命
寔駭朝端將何以踐三事之崇高居兩朝之通顯苟特
知難之旨必貽覆餗之憂伏望陛下博採措紳爰求岩
穴必有經綸之器出膺宵旰之心惟廟堂之任得宜則

宗之業不墜由裏斯在得請為期臣无任

第二表

臣某言自承制命尋拜封章未賜允俞不遑啟處謝伏
以知人安民謂之聖主度量力謂之道賢苟冒寵榮
必乘倚注豈獨夫具瞻之望亦恐傷則詰之明伏惟尊
號皇帝陛下負荷二聖之基勤求萬札之務必欲化人
成俗与古為徒所宜擇間傑之才輔文思之德然後內
安百姓外撫四表使社稷永康揚太祖太宗之業聖賢
相遇成可久可大之功物論人心所望若此如臣斗筭

小器章句諸生但以遭逢遂居通顯先皇帝擢從內署
俾贊中樞莫効涓埃空更歲月洎退居散地自誓終身
豈期際會儲宮列漢皇之四皓踐楊相府預虞舜之五
臣當陛下鋪張政教之時是微臣傾竭謨猷之日徒有
致君之志寔微經國之才行將二年未立事久妨賢路
又正台司時來而身不自知詔下而人應失色伏望陛
下特迴成命別付鉅賢俾伸夔契之才用助唐虞之化
庶陳力就列遂不能則止之心惟器與名得不可假人
之道言非飾讓情逼知難伏閣拜章期于得請臣无任

王黃州小畜集卷第二十四

Faint vertical text columns, likely bleed-through from the reverse side of the page.

經鉅堂校錄

王黃州小畜集卷第二十五

賀皇太子牋

某言今日日降到赦書一道皇太子殿下光膺冊命
正位儲宮凡在普天不勝大幸伏以三代旧章百年隆
典舉茲盛禮允屆昌期伏惟殿下重綸發彩少海澄波
蘊克儉之風著惟忠惟孝之節王畿千里隨木鐸以行
春君門九重捧金蠶而上壽應時納祐與國同休某權
佩魚符遙瞻雞戟無任

皇太子賀冬牋

某言伏以晷運推移日南長至啟東朝而受賀爰舉旧
章詣北闕以稱觴率先郡后伏惟 皇太子殿下日躋
盛德天縱多才忠孝克奉於君親謙讓動詢於師友寢
門侍膳誕彰三至之勤望苑礼賢永作萬邦之本應時
納祐与國同休其叨列通班爰當亞歲先任抃蹈

謝除右拾遺直史館啟

右某啟蒙恩特授前件官充職者位列諫垣職兼史氏
听已行之命推迹非據之言祇荷寵榮不任感懼恭以
獻歲規於諫署必待正人彰蓋惡於史書宜歸直筆矧

莽庸賤迹有忝某伏念某門第本寒才華不秀鄉庠里
塾從師而統識姓名函地書空力學而稍通經史明代
方求於翹楚高堂漸逼於垂榆因持濫吹之竽來示藏
家之篋雖春官與進荐叨隗始之名而明主求人果失
盧前望然而紫庭擢第白屋知榮衡茆惹丹桂之香布
素曳出藍袍之色閭里改觀親族生光洎邑佐絃歌任
移銅墨廷評乃士官之屬不謂冗僚異事則諸侯之權
豈言下位某隨常調敢歎徒勞固无易俗之能惟待黜
幽之典豈期賤吏誤達宸听把籬畔之菊花方多憔悴

近階前之莫英頓堯光輝而又名之黃扉顯加明試深
虞孤陋有負品題序賀雪之詩固多膚淺賦履冰之什
愈見荒唐既有蹟於宸嚴詎敢期於天獎方在端憂之
際忽驚非次之恩芝函乍降於人寰棘寺驟歸於諫署
戢兼館殿地極清華通宵未息於怔忡誥旦遽諧於告
謝綠袍褫處休貽碧鶴之訊朱紱紆來但負惟鵝之刺
備忽忘而簡橫象齒耀搢紳而帶飾犀文荷三澤之露
濡空驚決背對天顏之咫尺惟誓殺身夫何寒賤之人
有此遭逢之事此皆相公尼丘借俊文曲生光歎伋墻

邊暗展鑄顏之力如椽笔下潛施與黜之恩遂令清切
之資光被孤平之士亦猶泝泝為事遽邀列地之封鷄
鷄呈災誤享鈞天之樂頌藝行之旣取荷生成之有歸
所不慎守當官恪供其職况旣遺之可捨幸有瑞而必
書編修綽之言垂於信史撰著得賢之頌播在樂章少
施染削之勞上荅受知之地過此已往未知所裁

謝除左司諫知制誥啟

右某啟蒙恩特授前件官充職者位近中諫職列西樞
祇荷寵光不任感懼竊以伏青蒲而獻可合求補袞之

才吟江藥以搞詞尤重演綸之地豈期庸賤玷此清華
伏念某才非秀民世本寒族造會文明之運濫有仕進
之流忝常調以起家永甘縣吏冥周行而通籍俄在諫
垣加以叨館殿之清資預校仇之美暇以日繫月方期
讀天下之書自迹陟遐不意賞禁中之誥載循所自必
有攸歸此皆相公文曲分光才江借潤遂使自天之命
詎求批鳳之才列地而封反及不龜之手得不更精文
翰上荅品題恪事一人少贖素飡之咎虔遵四禁用酬
黃閣之知過此以還未知所措卑情不任感恩榮悞終

始知端之至

謝除禮部員外郎知制誥啟

右某啟蒙特授前件官充職者臥錦握蘭忝名曹之子
南省倉香視草復旧職於西垣祇荷寵光不任感懼伏
念某性惟拙直族本軍平幸逢天下之文明遂擬御前
之及第雍熙中自百里被召拾遺立狀伏蒲昧五諫之
名汗簡乏三長之譽方虞官謗遽掌綸言書堯舜之典
謨文非逮意厠淵雲之侍從路寔妨賢端田園而盖恋
盛時踐臺閣而頗為非據迹後以執法充狀蒙恩黜官

入六里之穹山得貳車之散秩去歲量移善地甄叙通
班貼文館以仇書奉皇華而按獄屬以高堂垂老懸磬
屢空懇求郡國之權以就庭闈之養既宣允食故拜官
而不辭毛義有義方捧檄而私喜未遑布政忽忝歸朝
十五日之專城焉知民瘼一千年之昌運荐辱君恩歷
數前賢鮮茲盛事昔憲宗覽表移朝愈於潮陽文帝經
年召賈生於湘浦比期遭遇可謂殊尤况帳爛錦窠塔
反葑樹爰循故事无此兼榮遠則和魯公已歷儀曹退
居主客近則趙給事拜從起部改授小禮是荷繼王兵

部之清塵奉太祖朝之近例更直紫微之署已竟忝塵
絕曹玉荀之班併居清切感極而空成涕泗寵競而如
在夢魂青瑣窻開再見壺中之日月朱衣吏引犹疑澤
畔之形容謬思雖自於聖知公議終騰於衆口此蓋相
公洪鈎造物青律迴春用材而木屑无遺念旧而耆簪
靡弃遂使蒼苔入詠復預於詞臣死灰再燃尤慚於獄
吏敢不慎修儒行演暢皇猷庶憑翰墨之功少荅陶鎔
之力卑情

謝除翰林學士啟

右某啟伏奉制命特授守本官知制誥召入翰林充學
士者祇荷寵光不任感懼伏以漢朝故事待詔甘泉之
宮唐室旧儀召對浴堂之殿自非枚馬淵雲之述作常
楊元白之才名則何以塞清問於論思潤皇猶於典誥
豈宜孤陋遽此忝塵伏念某植學非深屬文无取濫中
懸科之選尋叨通籍之班諫署拾遺謬无裨於聖旨
承明三入清華窓類於昔賢頃因坐事以左迂固亦息
心於榮路洎得歸朝之命遂求典郡之官去年召自琴
臺再陞綸閣驟荷一人之寵過果懼三歲之凶喪雖勉

就於奪情實重違於素志願潘安之毛髮已有雪霜念
李路之旨甘不如藜藿臨文翰而方寸亂矣對縉紳而
面目何為想石初子之執喪空慚立行比歐通之起復
尚久礼文止期卜兆於松楸再請劾官於符竹豈意未
諧私願俄辱殊恩翻令朽退之材亦預深嚴之地綸官
乍降俾離紅藥之階宸翰高懸已踐玉堂之署哀榮交
集寵辱堪驚副重華好問之心先憂學寡州武帝求賢
之詔更愧才難通宵未息於戰兢奔步犹疑於魂夢此
皆相公洪鈞造物青律迴春徵賈詎於謫官終成前席

小畜集卷一
九
荐相如之視州幸得同時敢不四禁是遵三緘為誠况
艱難脩歷齒髮始衰用直道以事君雖先改變肆剛腸
而疾惡漸亦銷磨庶寡悔尤少酬知己下情先任感戴
兢榮始終知歸之至

謝除刑部郎中知制誥啟

臣某啟伏蒙聖恩特授前件職者一麾出守左迂方類
於阮咸三入承明寓直忽同於應璉祇膺寵命伏積兢
榮竊念某猥以腐儒受知先帝踐揚兩制出處九年自
知賦命之多奇每悔浮名之過寔軍容捧硯敢望於輝

崇力士抹靴迹騰於謗議而自臨民除上移任淮南飾
厨傳以屢空勾簿書而弗逮受釐室室重求前席之期
燒葯鼎湖忽起扳髯之恋心灰自死潤血死從屬當明
王之承軋尚代藩臣而守土尋以拜章言事解印歸京
親七月之園陵視銷弓劍隨百官而朝謁目斷雲天放
懷書史之間結舌搢紳之內皂囊无恥慚越戢於伏蒲
白首為郎甘息心於執戟雖知止是猶阻歸休欲耕季
子之田園曾无二頃謀葬劉鍾之親屬何啻十喪終為
懷祿之人盖逼有身之患豈謂內庭論荐黃閭僉諧迴

小畜集卷一
天眷之新恩復王言之旧任堦前藥樹重吟射客之詩
觀裡桃花免動劉郎之詠此皆其官激揚公議啟建宸
聰洪鈞豈有於弃材化笔潜徵於故事謂李杓直翰林
退職復踐掖垣白居易禁罷出官終知制誥李茲殊事
寔越昔賢驅瓜上之青蝇雖非由徑之夢中之白鳳深
愧演綸敢不考三代兩漢之典章取貞元長慶之風格
或少窺於邊徼庶上荅於陶鎔卑情无任感荷德激切
知歸之至

上宰相謝免判吏部南曹啟

右某啟奉今日日敕差判吏部南曹尋蒙抽取元敕者
伏以寅綸西掖乃王者之詞臣按吏南曹本天官之下
士遽蒙改易深荷陶鎔伏念某比之時才滋塵清列蒼
苔紅葯但遵回禁之文理劇劇繁文絕五花之判便于
散拙樂在清閑忽逢遣差頗增憂畏固非耻于卑踐盖
亦事有彛倫且念判曹之名起于總章之後罷員外轉
所之事為尚書役屬之司勾群吏之稽違奉三銓之指
顧顯為繞攝自有礼容豈可戕銜帶制誥之公文狀且
尊卑之數雖知不便未敢固辭豈謂相公曲為敷揚俾

停寢全臺閣之故事寔亦公行荷廊廟之殊知且非私
謁永言感遇空極兢榮

迴寇密直謝官啟

右某啟伏以應星辰而虞山澤華省名卽直宥密而預
机宜黃樞重職兼茲重柄允屬鉅賢學士學植凌雲詞
源沃日澤宮中的科名先繼於箕裘諫罷曳裾章疏獨
推於謇諤縱橫時輝映士林佐取計司解九牛而西顏
直言便殿折五鹿以詞雄故得峻陟中台榮升密地稱
天心之則哲動時論於得人而又南面听朝特頒金紫

東銓求理專委品題佇從三接之榮便叙九功之業某
幸叨知獎方切依棲自草芝泥最先栢悅豈謂學士曲
迴謙柄俯賜華牋目窺星斗之文章身負荆芒之牀榻
欽隆感戴藁集所懷卑情不任

謝僕射相公求致仕啟

右某啟伏以懸車告老大夫七十之期名遂退身老氏
五千之說其或當尚蒿尊賢之代有經邦鎮俗之才雖
在期頤式存綺注縱止足之心自許執禮先違奈弼諧
之任惟艱非賢不尺伏惟僕射相公受天和氣為國善

人之朝文翰之司丹青帝典再領變調之任提振皇綱
昨以久處台司重煩耆德事均勞逸輟万務之憂勤位
保崇高為百僚之師長未言端揆之任旧称廊廟之官
垂行三入之恩求贊千年之運豈謂浮雲富貴脫履簪
裾拜章既達於冕旒洒翰偏流於台閣是何末品亦辱
台函初為誤傳終知殊賜兢惶无措拜受失容見大儒
之用心犹先聖之彛訓不独辞於世祿亦將激彼時風
然而上推宸心旁徇公議咸謂老誠之德宜居輔弼之
先捕虎逐麋雖鬻熊之已暮為霖作礪非傳說以何歸

况鍾洪範之康寧宜念蒼生穹因佇親白麻天降從追
振鷺之班黃閣洞開重見棲羅之樹社稷之謀是展君
臣之分弥隆与邦國以同休書簡編而增耀斯為善頌
且匪虛譚下情无任

迴司空相公謝官啟

右某啟伏以引年納祿達人知進退之宜養老優賢王
者得始終之道君臣之義今古同風伏惟司空相公受
天至和為國重器皇坡帝典成歸潤色之功禹畫堯封
盡被陶鎔之力位崇百揆年俯七旬宸心方倚於老成

達識遽辭於榮祿聖上遂其願養峻以階資鳳凰之池
暫虛於旧位鳴鳩之秩耶示於新思解簪紱以如遺指
林泉而自樂功成名遂早知身退之机漏尽鍾鳴堪笑
夜行之士然而四海有具瞻之任三公非致政之官激
浮踪之官式旌素節委弼諧之任終復黃扉凡在搢紳
皆頌禱頌猥蒙鈞造先賜台函仰欽止足之規弥荷謙
尊之德卑情先任

迴孫可謝秘書丞直史館京西轉運副使啟

右某言伏以列中秘圖書之府貳外司漕運之權惟是

才難允歸公議學士文同三代名冠四科擅場早達於
天聰独行不隨於時態輕留戾之雜霸浪取帝師慕孟
子之著書力設王道暫停坐棠之政尋升汗簡之資閔
籍通班式耀獲麟之笔轉輸劇務更觀流馬之功方切
欣怡忽承緘翰備認謙冲之旨跡增銘荷之誠衣錦畫
行雖勞於按部演綸夜直願効於前驅謹奉啟云云

荐戚綸上翰林學士錢若水啟

右某啟某有進士同年戚綸者負文章器識純謹君子
也其先君通五經教授於濶陽終身不求聞達允維國

小畜集卷一
初登進士上第有文有行守道不渝游官三十余年今
為殿中丞綸擢第亦一紀矣歷主簿縣尹得大理評事
光祿寺司權酷干樵郡非其樂也向曰讞獄寃兵坐繫
烏府廷尉議罪所以贖論既釋之矣或以前罰未塞又
奪其官今會赦文合從叙用寓此佛寺出无車馬冒犯
風雪袖文相過有理道評十二篇味之非空言也然而
辭直意切急于救時若无知亦恐騰口以為失路而
造謗也尊道之士其將捨諸恭惟學士才与位併道与
時會力開賢路之梗手築聖域之基措紳顯之有所仰

賴某罪在擯弃思出推挽未能報德尚復言人蓋非學
士之門不敢失綸之言賈綸之毀也語曰蓋人在患飯
不及飧區々之落寔愧斯義謹修啟事并封綸所英凡
若干凡閣視艸之暇略賜賢觀肘綸也幸甚謹啟

迴黃裳啟

右某啟伏以諫垣清秩綴螭頭侍從之班史氏設官修
麟筆不刊之思享此清切允屬英翹正言學士學富百
家文穹三變桂籍先鳴而耘耆柏臺持憲以生風迹者
金闕獻書占試王褒之頌石渠載筆更伸班固之才凡

在立朝共欣得雋猥蒙殊念特長牋載窺炳彪之文
益認謙冲之旨欽隆佩服併集所懷謹修啟事陳謝

王黃州小畜集卷第二十五